



Ko će i kada nadoknaditi štetu?

● Do sada su se zahtjevi za povrat imovine i stanarskih prava u Republici Srpskoj podnosili Komisiji za imovinske zahtjeve raseljenih lica i izbjeglica koja ima urede u nekoliko gradova u Bosni i Hercegovini i u inostranstvu. Da li sada svi ti ljudi koji su se već obratili Komisiji, moraju podnijeti nove zahtjeve ili se stari priznaju?

vi zahtjev nadležnom opštinskom organu jer će se u tom slučaju i predmet brže i efikasnije riješiti.

Precizni rokovi

● U kom roku je nadležni organ dužan da donese rješenje?

- Nadležni organ je dužan u roku od 30 dana odlučiti o zah-

je podnosilac zahtjeva dobio rješenje, a njime nije zadovoljan, on se može žaliti Ministarstvu za izbjeglice ili Komisiji za imovinske zahtjeve raseljenih lica i izbjeglica.

● Da li su odluke Komisije konačne i da li je nadležni organ u opštini dužan da ih sprovede?

- Odluka Komisije je konačna i obavezujuća i nadležni organ u Republici Srpskoj mora sprovesti rješenje Komisije.

● Kad neko dobije rješenje o povratku kuće ili stana, u kom roku se može vratiti?

- On će navesti rok kada želi da se vrati, ali prema zakonu taj rok ne može biti kraći od 90 dana od dana donošenja rješenja, niti duži od godinu.

Uništena imovina

● Da li vama mogu podnositi zahtjeve i lica čija je imovina uništena?

- Lica čija je imovina uništena mogu podnijeti zahtjev i mi ćemo odlučivati i o takvim zahtjevima. Ali ljudi čija je imovina uništena zahtjeve uglavnom podnose Komisiji za imovinske zahtjeve raseljenih lica i izbjeglica.

● Vi im, ustvari, možete vratiti samo zemlju i ono što je eventualno ostalo na zemlji.

- Apsolutno.

● Ali vi ne dajete nadoknadu štete?

- Ne dajemo. Ni mi, niti bilo ko u Federaciji.

● Ali ne daje ni Komisija.

- Ne daje ni Komisija. On će možda dobiti potvrdu da je njegova imovina toliko vrijedila, ali to vam je kao ona stara devizna štednja, imaš papir, pa kad se realizuje.

Problem je u tome što pri Komisiji još nije formiran imovinski fond iz koga bi se isplaćivale te nadoknade, jer je teško naći donatore za taj fond. Sve je to, što bi se reklo, na dugom štapu.

Omer KARABEG

OGRANAK SDA ŠVEDSKE

Okupiti sve Bosance

Od 60 hiljada Bosanaca koji su utočište našli u Švedskoj od potpisivanja Mirovnog sporazuma do sada se vratilo svega 1.500

MALME - U Malmeu je održana treća skupština ogranka Stranke demokratske akcije za Švedsku, na kojoj je prisustvovalo oko 70 delegata iz ove zemlje.

Među gostima prisustvovali su predstavnici bh. Saveza za Švedsku, Bošnjačke islamske zajednice, *Merhameta*, te brojnih bh. organizacija i klubova. Pozdravljajući prisutne, portparol SDA **Adnan Jahić** je istakao zadovoljstvo radom ovog ogranka, čime cijela SDA može biti ponosna.

Ogranak SDA formiran je u Švedskoj još 1991. godine i za ovo vrijeme dao je značajan doprinos učestvujući u pripremanju i osnivanju mnogih bh. organizacija: *Merhameta*, bh. Saveza i Bošnjačke islamske zajednice.

Oko 10.000 naših ljudi je već steklo švedsko državljanstvo (i ostali će dobiti tu mogućnost nakon pet godina boravka u ovoj zemlji), a svi oni su već dobili stalnu dozvolu boravka i pravo na rad u ovoj zemlji. To znači da će mnogi među njima ostati duže u ovoj zemlji. Činjenica da je SDA učestvovala u pokretanju inicijative za formiranje brojnih organizacija daje pravo i kritičkom sagledavanju sadašnjeg rada kojim ne mogu biti zadovoljni. Prisutna je nezainteresiranost, otuđenost i konfuzija, pa će zato stranka izaći vrlo brzo sa konkretnim prijedlogom za cjelokupno okupljanje svih probosanskih snaga bez ikakvog preduslova. Stranka ne želi primat u ovome, već samo dati svoj doprinos organizovanju



Uspješni članovi KUD'Dukat'iz Geteborga

Predsjednik ogranka stranke u Švedskoj **Emir Poljo** u uvodnoj riječi naglasio je da je stranka organizovana u šest ogranka i da, iako ni do sada nije imala mali broj članova, omasovljenju i prijemu mlađih kadrova treba posvetiti posebnu pažnju. Stranka se nije direktno bavila prikupljanjem humanitarne i novčane pomoći za BiH (posebno tokom rata), ali je dala značajan doprinos u pokretanju i organizovanju, preko *Merhameta*, koji je imao svu potrebnu infrastrukturu da uradi ovaj golem i značajan posao.

Izražena je želja članova ove stranke da i dalje rade na zajedničkom okupljanju i organizovanju naše dijasporne, posebno intelektualne, i to bez obzira na vjeru, naciju ili političko ubjeđenje. Ovo je važno i stoga što među 60.000 Bosanaca i Hercegovaca, koliko ih je došlo u Švedsku, samo njih 1.500 se vratilo u BiH za ove tri godine nakon Dejtona.

naše dijasporne. Sve ideje pojedinaca i ostalih organizacija za okupljanje i jačanjem zajedništva su i te kako dobrodošle.

Na skupštini je ponovo izabran za predsjednika ogranka SDA za Švedsku **Emir Poljo**, a članovi Odbora (osim šest predsjednika ogranka u Švedskoj) su: **Rifat Boračić, Ašk Gaši, Nihad Branković, Mirsad Zuko i Hasan Džiho**.

Nakon radnog dijela održan je bogat kulturno-zabavni program, koji je bio otvoren za javnost: promocija najnovijeg romana *Jalijaš* novinara, karikaturiste i pisca **Midhata Ajanovića**, potom izvanredan nastup najboljeg bh. ansambla u Švedskoj KUD *Dukat* iz Geteborga, a kao završnica cjelodnevnih događanja je bila politička tribina na temu: "BiH tri godine nakon Dejtona". Gosti tribine bili su: dr. **Hasan Dervišbegović**, ambasador BiH u Švedskoj, **Adnan Jahić, Hasan Hadžihamzić, Emir Poljo i Nedžad Latić**.

M. PERVIZOVIĆ

Iz tuđeg se mora izaći

● Šta ako je nekome vraćena njegova kuća ili stan u Federaciji i on može da se vrati tamo i može da se useli, međutim, on hoće da ostane u Republici Srpskoj. Da li je Ministarstvo dužno u tom slučaju da mu obezbijedi smještaj?

- Drago mi je što ste postavili takvo pitanje. Ministarstvo nije dužno da takvom licu obezbijedi smještaj, pošto je njemu omogućeno da slobodno raspolaže svojom imovinom. Ministarstvo više nema nikakve obaveze prema njemu. Ako ne želi da se vrati u svoju kuću, neka onda sam za sebe nađe neko rješenje, neka bude podstanar, ali mora da izađe iz tuđe kuće.

● Uostalom, ako neće da se vrati, on može da proda svoju kuću u Federaciji i da kupi nešto na teritoriji Republike Srpske?

- Apsolutno. To je njegova stvar, stvar njegovog interesa i njegove računice, ali tuđu imovinu zadržavati ne može. Tu ne može biti nikakvog uslovljavanja.

● Ako je izbjeglica dobio odgovarajući smještaj, a u međuvremenu su mu vraćeni kuća ili stan u Federaciji, znači li to da je on dužan da vrati taj stan koji je dobio u Republici Srpskoj?

- Zakon o raseljenim licima i izbjeglicama u jednoj odredbi kaže da onaj kome je vraćena njegova imovina i koji može po slobodnoj volji s njom da raspolaže, gubi status raseljenog lica i izbjeglice i samim tim ne može više zadržavati stan u kome se sada nalazi.

- Pa isti je slučaj kao i u Federaciji Bosne i Hercegovine, gdje je propisano da se zahtjev mora podnijeti nadležnom organu u opštini gdje se nalazi nekretnina u vlasništvu ili stan. Onima koji su već podnijeli zahtjev Komisiji sugerise se da ponovo podnesu zahtjev nadležnom opštinskom organu. Kod nas, kao što sam rekao, nadležan je opštinski organ Ministarstva za izbjeglice.

● Znači za njega je najbolje da ponovo podnese zahtjev nadležnom organu, ali šta ako ne podnese? Hoće li se priznati stari koji je podnijet Komisiji?

- Ako ne podnese novi zahtjev priznaće se stari, ali naša je sugestija da se podnese no-

tjevu podnosioca. U rješenju, pored ostalog, treba da piše u kom roku se treba iseliti privremeni korisnik koji se sada nalazi u kući ili stanu. Rješenje se dostavlja vlasniku i privremenom korisniku, kad je riječ o privatnoj imovini, a kad je riječ o društvenom stanu, onda predratnom nosiocu stanarskog prava, sadašnjem korisniku, preduzeću u čijem je vlasništvu taj stan, to jeste preduzeću koje je dodijelilo stan na korišćenje.

● U kom roku se rješenje mora dostaviti?

- Prema Zakonu o opštem upravnom postupku taj rok je 60 dana. Ukoliko rješenje nije doneseno u roku od 30 dana i dostavljeno u roku od 60, ili ako